

Ödev: Verilen metni okuyunuz. Çeviri yazısını yapınız.

Хайдаг күннер пістің чирде

Пістің чирде полбаан кізілер: «Сірернің Хакасияда чыл ибіре хысхы ла полча, неке», - тіп чоохтанчалар. Че пістің чирде часхы даа, чайғы даа, күскү дее паза хысхы даа полча. Итсе-де, хысхы пістің узун, пис айча пол парча. Ин соох күрген айы. Киинің сооғы хырых градусха чит парча. Күннер хысхацах пол парчалар. Че чайғызы пістің ізіг. Киинің чылии ортымахти 20 градус азыра көдіріл парча.

Часхызын паза чайғызын күннер узун полыбысчалар. Күн, ирте сығып, орай хонча. Аннаңар күннің чылығ сустары чирні чахсы чылытчалар. Че чыл сай пір тиң полбинчалар. Пірее чылда хысхы соох турча, че пірееде чылығ. Чайғызын даа пірееде хуруғ паза ізіг күннер турыбысчалар. Андада өзімнер өс полбин халчалар. Че хай-пірее тустарда наңмырлар үзігі чох чаап сыхчалар. Күскүзін андаг наңмырлар чир-тамаан чыырға харығ полчалар.

Хакасия тиңіс талайлардан оортах таа полза, оларның тынызы пістің чирге чидібөкче. Удаа чиллер пол сыхчалар алай хысхызын кинетін чылығ күннер турыбысчалар. Пірееде хандых алай силкер айларда кинетін хыро тұс парча.

Хакасияда өөнінде континентальной климат полча. Анзы узун соох хысхы паза хысхацах ізіг чайғы теені.

Хайдаг күн поларын піске күннің гидрометеорология станцияларның тоғынчылары чоохтапчалар. Олар хайдаг күннер поларын пірее ай азынада пілчелер. Аннаңар пірее улуғ чил алай харлығ пораан поларынаңар азынадох сизіндірчелер.